




# **Kurtz Bekenntnis D. Mart. Luthers, vom heiligen Sacrament.**

<https://hdl.handle.net/1874/424243>

ora

ct.

3



**Dit boek hoort bij de Collectie Van Buchell  
Huybert van Buchell (1513-1599)**

**Meer informatie over de collectie is beschikbaar op:**

<http://repertorium.library.uu.nl/node/2732>

**Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:**

- de rug van het boek
  - de kopsnede
  - de frontsnede
  - de staartsnede
  - het achterplat

**This book is part of the Van Buchell Collection  
Huybert van Buchell (1513-1599)**

**More information on this collection is available at:**

<http://repertorium.library.uu.nl/node/2732>

**Due to research concerning this collection the outside of these books has been scanned in full. The following scans are, in order of appearance:**

- the spine
- the head edge
- the fore edge
- the bottom edge
- the back board

THE UNIVERSITY OF CHICAGO

PHYSICS DEPARTMENT

PHYSICS 703

PHYSICS 703


PHYSICS 703

PHYSICS 703









Ra


E.  
7





Theologia  
Octavo n<sup>o</sup> 703.


**Rariora**


**E. oct.  
703**






















ge

**Kurtz bekent-**  
**nis D. Mart. Lu-**  
**thers/ vom heiligen**  
**Sacrament.**



Handwritten text, likely a title or heading, appearing as a mirror image.

Handwritten text, likely a subtitle or author name, appearing as a mirror image.

Handwritten text, likely a date or location, appearing as a mirror image.

Handwritten text, likely a signature or publisher information, appearing as a mirror image.



Vlade vnd friede im  
H. Erren. Mein lieber  
Freund/ Das Schwencfeld  
meinen Brieff hin vnnnd wi-  
der ausbreitet/ vnd mir vbel  
nachredet sampt seinen Eue-  
rychern vnnnd Sacraments

schendern / mus ich daher gleben / Das jr so  
eben die abschrifft des selbē Briues bekomē/  
mir zuschickt. Vnd ist mir lieb Das er solchen  
Brieff / zu seinen ehren vnd glimpff / vnnnd zu  
meinem vnglimpff vnd schanden / ausbreitet.  
Denn darumb hab ich auch den selben nicht  
wollen zusiegeln / sondern offen lassen / auch  
nicht im selber / sondern seinem Boten zu  
schreiben / noch seinen namen ehren. Den solch  
verdampft Estermaul / sol (ob Gott wil) nicht  
werd bey mir sein / Das ich einen Buchstaben  
im zuschreiben / oder mit im redē / noch in sehen  
oder hören wolt. Ist mir auch eben so viel / weñ  
er oder seine verfluchte Kotte der Schwerm-  
er / Zwingler vnnnd der gleichen mich loben  
oder scheltē / als wenn mich Jüden / Türcken /  
Papist / oder gleich alle Teuffel schölten oder los  
beten.

Denn ich / als der ich nu auff der Gruben  
gehe / wil dis zeugnis vnnnd diesen rhum mit  
mir sur meins lieben H. Erren vnd Heilands  
Ihesu Christi richestuel bringen / Das ich die  
Schwermier vnd Sacraments feinde / Carls

stad/Zwingel/Colampad/ Streckefeld/vñ ire  
Jünger zu Zürich vnd wo sie sind/mit gangem  
ernst verdampt vnd gemiddten habe / nach sei-  
nem Befelh/Tit.iiij. Einen Ketzer soltu meiden/  
wenn er einst oder zwey vermanet ist / Vnd  
wisse/das ein solcher verkeeret ist/vñ sündigt/  
als der schlecht wil verdäpt sein. Sie sind off-  
t gnug/ ouch ernstlich gnug vermanet von mir  
vnd vielen andern / die Bücher sind am tage.  
Vnd gehet noch teglich vnser aller predigt/wi-  
der ire lesterliche vnd lügenhafftige Ketzerey/  
welchs sie wol wissen.

Derhalben michs gleich nicht wenig Be-  
frembdet vñnd mir gedancken macht / das  
Schwēckfeld / so kōrre vñ kñne ist wordē sich  
mit Schrifften vñnd Büchern an mich zu ma-  
chen / weil er weis oder ja wissen solt / das er  
mein vnuerfüneter Feind ist.

Erstlich in dieser sachen des Heiligen Sa-  
craments / welchs er in der Schlesien zu eitel  
Brot vñnd Wein gemacht/so vil tausent See-  
len verführet/dafür kein Busse gethā/ Sōdern  
wie Salomo sagt/Exultat in rebus pessimis, als  
hette er wol gethan / Vñnd doch gedenckt/der  
Luther müsse seiner Bueue vñnd Bücher fro  
werden. Denn daraus solte wol ein solcher  
wehn erwachsen / als were der Luther mit dē  
Schwēckfeld vñ den Schwermern gut eins/  
vnd hette alles widerruffen/nemen vnd geben  
einander Bueue vnd Bücher/als gute Freun-  
de etc.

Zwar

Zwar mir ist wol auch zuvor oft angezeigt  
als solten sich die Schwermer rhümē/ Ich we  
re mit jnen eines/ welchs ich nicht hab wollen  
glauben/ weil es keiner öffentlich von sich hat  
wollen schreibē. Aber mit dieser weise/solt mir  
wol der gloube in die hende kommen ehe ichs  
mich versehe.

**E**s ist war/ Funffzehen jar sind es/ das zu  
Nargburg Zwingel vñ Ecolampad vnd  
wir etliche zusamē kamē/vñ vns vertruget  
in viele artickeln/die gantz Christlich sind/wie  
der gedruckt Fedel zeuget. Aber im artickel  
vom Sacrament bleibs stecken/ also/das wir  
sonst soltē gute Freunde sein/damit dz scharpf  
fe schreiben gegenander rügen möchte / Ob  
Gott mit der zeit durch vnser Gebet wolt hies  
rin ouch eintrechtigē verstand geben / Vnd ich  
zumliche hoffnung hatte/ weil der Zwingel vñ  
die seinē/so viel guter Artickel nachgaben/ Es  
solte mit der zeit/ der einige Artickel sich auch  
finden. Vnd ward also zwisschen vns ein stille  
mit schreiben widernander etliche jar.

In des ward der Zwingel jemerlich zu sel-  
de von jenem teil der Papisten erschlagen/vnd  
Ecolampad viel zu schwach/solchē vnfal zu tra-  
gen/ Drüber vor leide auch starb. Welches mir  
auch selbs zwo nacht/ solch hertzleid thet / Das  
ich leicht auch hette mügen bleiben/ Dennich  
guter hoffnung war irer besserunge/vnd doch  
für ire Seele mich auffs höhest bekümmern mu-  
ste / weil sie noch im irthum verteuft / also in

sunden vnter giengen.

**W**er nach des Zwingels tode / gieng ein  
Büchlin aus/welchs er solt hart für seinem  
End gemacht habē/ mit namē/ Christianus fi  
dei expositio, ad Christianum Regē, etc. Solchs  
solt ein Ausbūd sein vber alle seine vorige Bü  
cher/ Vñ das es sein eigen/ des Zwingels sein  
musste/ gab die art / seiner wilden wüsten rede/  
vnd seine vorige meinung.

Solchs Büchlings / erschrack ich seer / nicht  
vmb meiner willen sondern vmb seiner willen/  
Denn weil er nach vnserm vertrag zu Mar  
burg solches hat mügē schreiben/ Istis gewis/  
das er alles zu Marburg gegē vns mit falsch  
em hertzen vnd munde gehandelt hat/vñ mu  
ste (wie auch noch) an seiner Seelen seligkeit  
verzweueln / wo er in solchem sinn gestorben  
ist/Vngeacht/ das in seine Jünger vnd Nach  
fomen zum Heiligen vnd Marterer machtē/  
Ah HErr Gott des Heiligen vnd des Mar  
terers.

Den in diesem Büchlin bleibt er nicht allein  
ein Feind des heiligen Sacraments/ sondern  
wird auch ganz vñ gar zum Heiden. So fein  
hat er sich gebessert / meiner hoffnung nach.  
Das kanstu daby merckē/ Vnter andern wor  
ten redet er den selbē König also an. Du wirst  
dort sehen in einerley Gesellschaft/ alle heilige/  
frome/weise/manliche/ehrlche Leute/ den Er  
löseten vñnd Erlöser Adam. Habel/ Henoch/  
Noah/ Abraham/ Isaac/ Jacob/ Juda/ Mosē/  
Josua/

Josua/Gideon/Samuel/Pinhen/Eliam/Eli  
seum auch Isaiam/vñ die Jungfraw Gottes  
gebererin / Dauon er hat geweissagt / David/  
Ezechiam/Josiam/Den Teuffer/Petrü/Pau  
lum. Herculem/Theseum/Socratem/Aristi  
dem/Antigonum/Numam/Camillum/Caro  
nes/Scipiones/ vnd deine Vorfaren alle / Die  
im glauben sind verstorben etc.

Dies stehet in seinem Büchlin/welchs (wie  
gesagt) sol das gülden vnd aller Beste Büchlin  
sein/hart fur seinem Ende gemacht. Sage nu  
wer ein Christ sein wil / Was darff man / Der  
Taufe/Sacrament/Christus/des Euangelij  
oder der Prophetē vnd heiliger Schrift/wen  
solche gottlose Heiden / Socrates/Aristides/  
Ja der gewaltliche Numa/der zu Rom alle Ab  
göttery erst gestift hat/durchs Teufels offena  
barung / wie S. Augustinus de ciuitate dei  
schreibr/Vnd Scipio der Epicurus/selig vnd  
heilig sind / mit den Patriarchen / Propheten  
vnd Apostlen im Himmel/so sie doch nichts von  
Gott/Schrift/Euangelio / Christo / Taufte/  
Sacrament/oder Christlichē glauben gewusst  
haben? Was kan ein solcher Schreiber/Predis  
ger vnd Lerer/anderst glauben/von dem Chri  
stlichen glauben/denn das er sey allerley glau  
ben gleich. Vnnd könne ein jglicher in seinem  
glauben / sällig werden/ auch ein Abgöttischer  
vnd Epicurer/als Numa vnd Scipio?

Weil nu in diesem Büchlin Zwingel nicht  
allein vom Marpurgischē vertrag (Ja den sel



bigen mit ernst nicht gemeinet ) abgefallen/  
Sondern viel erger vnd gar zum Heide wor-  
den ist/ Vnd doch die Schwermer seine Gesel-  
len solch Büchlin (darinn auch viel mer grewel  
stehen) loben vnd ehren/ Hab ich auch alle mei-  
ne hoffnung von irer Besserung faren lassen/  
Vnd sie so gar aus der acht gelassen / das ich  
auch nicht habe wollen wider solch Büchlin  
schreibē/ noch mehr für sie beten/ Weil ich gese-  
hen/ das alle meine vorige schriften / vnd ver-  
manung/ dazu meine Chrißliche liebe vnd treu-  
we zu Marpurg erzeigt/ so vbel angelegt/ vnd  
so schendlich verloren sein mussten.

**W**ennu aus solchs vertrags geschrey oder  
sonst jemand gehört/ oder beredt were/  
Das ichs mit den Schwermern hielte/ vñ  
der Sachē eins weren/ Den bitte ich lauterlich  
vmb Gottes willē/ wolte das ja keines wegēs  
glaubē. Da behüte mich Gott für / wie er bis-  
her gethan/ das ich mit meinē namen solte wis-  
sentlich/ den allergeringstē Artickel d' Schwer-  
mer decken oder stercken. Denn auch zu Mar-  
purg/ wir nicht in einem einigen Artickel zu  
jnen traten / Sondern sie begaben sich zu vns  
in allen artickeln/ on des Sacraments artickel  
(wie der Zedel gedruckt weist) welcher (wie  
gesagt ) bleib stecken / auff hoffnung/ Er solte  
auch endlich folgen / Aber wie diese hoffnung  
geraten ist/ hastu jtz gehört.

Vil lieber sage ich / wolt ich mich hundert  
mal lassen zu reissen oder verbrennen / che ich  
wolte

solte mit Stenckefeld/Zwingel/Carlstad/E-  
colampad / vnd wer sie mehr sind/die leidigen  
Schwermer / eins sinnes oder willens sein/  
oder in ire leer Bewilligen.

Denn ich dencke noch wol/stehet auch noch  
in jren Büchern / wie gar überaus schendlich  
sie vns mit vnserm liebe HErrn vñ Heiland  
lesterten/hießen in einen gebackten Gott/einē  
Brötern Gott/einen weinern Gott/ein gebro-  
tenen Gott/etc. Vns hießen sie/Fleischfresser/  
Blutseuffer/Anthropophagos/Capernaiten/  
Thyestas etc. Da sy doch wustten/das sie dem  
HErrn vnd vns/mutwilligklich/vberaus le-  
sterlich vnrecht theten/vnd schendliche Lügen  
vber vnns ertichten/Welchs ja ein gewis zeis-  
chen war / das kein guter Geist in jnen sein  
kündte. Noch liessen wirs zu Marpurg alles  
faren vnd hin gehen / in der hoffnung/sie wol-  
ten vnd würden sich ganz bessern.

Denn das wustten sie seer wol / das wir sol-  
ches nie geleret noch gegleubt hatten/on das  
sy zu jrem rhum vñ vns zur schande/ fur dem  
Pöbel gern den wahn gemacht hetten/ als we-  
ren wir solche rolle / vn Sinnige/rasende Leute/  
die Christum im Sacrament Localiter hieltē/  
vñ stücklich zu fressen/wie die wolffe ein schaff/  
vñnd Blut söffen/wie ein kue das wasser. Wol  
wustten sie (sage ich) das sie hierin vns mit of-  
fenberlichen vnnerschampten Lügen/Fleisch-  
fresser vnd Blutseuffer hießen aus des Teuf-  
fels getrieb / Denn auch die Papisten solches

wie geleert hatten/wie sie auch wol wusten/ on  
das sie vnns mit dem namen / Papisten auch  
wolten wehethun/die heiligē geistliche Leute.

Denn so hat man vnter dem Bapstum ge-  
leret/wie auch wir behalten vnd noch so leren/  
als die rechte alte Christliche Kirche von 1500.  
jaren her helt (Denn der Bapst hat das Sa-  
crament nicht gestiftet noch funden/ welchs  
die Schwermer auch selbs zeugē müssen/wie  
fast sie es Papistisch machen wollen) Weñ du  
vom altar das brot empfehest / So reiffest du  
nicht ein arm vom Leibe des H Erren/od Beiß-  
fest jm die nasen / oder einen finger ab / Son-  
dern du empfehest den ganzē Leib des H Er-  
ren. Der ander so dir folget / auch den selben  
ganzen leib. So der dritte/ vnd tausent nach  
tausent fur vnd fur. Desgleichen weñ du den  
Kelch oder Wein trinckest / so trinckest du nicht  
ein tropffen bluts aus seinē finger oder fusse/  
Sondern trinckest sein ganzes blut/Also auch  
der dir folget/bis in tausent mal tausent/Wie  
die wort Christi klerlich lauten / Nemet esset/  
das ist mein Leib. Er spricht nicht/Petre da  
friss du meinen finger / Andrea friss du mei-  
ne nasen / Johannes friss du meine ohren etc.  
Sondern es ist mein Leib/den nemet vnd esset  
etc. Ein jglicher fur sich vnzer stücker.

Nein Gott lob / solche grobe Tölpel sind  
wir / die heilige Kirche vnter dem Bapstum  
auch / nicht / wie vns der böse Geist durch die  
Schwermer / gern hette zu hohem verdries  
vnd

Vnd vnglumpff/ Dem volck mit solchẽ verzweis-  
uelten Lügẽ eingebildet/ iſre Ketzerey zu schmü-  
cken. Denn ſie wuſten/ Das jr maul hierin ein  
Lügẽmaul were/ auch daher/ Weil ſie die Meſ-  
ſen vom heiligen Warleichnam ( wie mans  
hies ) on zweiuell offtt ſelbs geſungen vnd gele-  
ſen hatten/ darin vnter viel andern klerlich ſte-  
het/ Sumit vnus, ſumunt mille, quantũ iſte, tan-  
tum ille, nec ſumptus abſumitur. Darumb wu-  
ſten ſie wol Das wir keine fleiſchfreſſer/ Bluts-  
ſeuffer / Thyeſte / Caperniten/ noch Localiſten  
weren. Vnd vnſer Gott/ kein gebackẽ Gott/  
weiniern Gott etc. ſein kundten. Noch muſſen  
wir ſolch iſre mutwillige/ erkandte leſterung hö-  
ren/ vñnd wers nicht laſſen wil/ Bey jnen/ noch  
alſo leſiert/ Denn ſie leſens in jren Büchern.

**N**och lieſen wirs ( wie geſagt ) alles hin ge-  
hen zu Marburg/ Damit wir ja reichlich  
Chriſtliche liebe erzeigten. Denn Chriſt  
Gott/ wie muſſen wir hörẽ/ Dz wir keine Chri-  
ſtliche liebe hettẽ/ die Diener Chriſti verachtẽ/  
die Kirchen betrübten vñnd verwirreten etc.  
Vñnd waren keine Sünder auff Erden denn  
wir allein/ Vnd keine Heiligen im Himmel den  
die Schwermer allein / Bey denen / war eitel  
ſewer der liebe/ By vns eitel Wiß der vnbar-  
hertzigkeit/ Den wir waren fleiſchfreſſer/ Die  
waren eitel/ rein/ pur/ lauter/ der Gaiſt ſelbs.

Was hat aber vns nu ſolche/ vberflüſſige lie-  
be vnd Demut geholffen? on Das da durch al-  
les iſt erger worden/ vnd vnſer gute hoffnung

jemerlich gefeilet hat. Den liebe wird vñ mus  
Betrogen werden/ weil sie alles gleubt vnd tra  
wet. j. Cor. xij. Aber glauben kan nicht feilen/  
Denn Gott leuget nicht/ wie der mensch thut/  
j. Reg. xv.

Wie solte vnd kündte ich nu auff mein arm  
gewissen laden / solche vngeschwungen Leste  
rung der vnbusfertigen Schwermer vnd Les  
terer / Wie ich doch thun müste / wo ich mich  
mit jnen einliesse/ mit Büchern/ schrifftten oder  
worten/ wie mir jzt der Stenckefeld anmutet.

S. Johannes sagt ij. Johan. So yemand  
kompt/ vnd bringt diese Lere nicht/ den nemet  
nicht zu hause/ vnd grüsset in nicht/ Vnd wår  
in grüsset der macht sich teilhafftig seiner Bö  
sen werck. Sie hörestu/ wer der Man sey der  
mich heisst die Schwermer weder hören noch  
sehen/ sondern meiden vñnd verdammen/ Wie  
ich droben aus S. Paulo Tit. ij. auch gesagt/  
Einen Ketzer soltu meiden/ wenn er einst oder  
zwier vermanet ist.

Vnd wens per impossibile war were/ vñnd  
sie recht hetten/ das eitel Brot vnd wein im A  
bendmal were/ solt man darumb so her auß to  
ben vnd donnern wider vns/ mit solchẽ scheus  
lichen lesterungen / gebacken Gott / Brötern  
Gott etc? Solten sie nicht der Heiligen wort  
Christi (welche wir nicht ertichtet habẽ) Das  
ist mein leib/ verschonẽ/ darin er ye klerlich das  
dargereicht Brot seinẽ Leib nennet. Also möch  
ten sie auch jnen einen tüchern/ oder getücher  
ten/

ten/ingewirckten/ingenereten Gott/lesteren/  
weil er in Rock vnnnd Kleider/genect vnnnd ge-  
wirckt/gangen ist. Irē einen wesserigē Gott/  
weil er im Jordan getaufft ward/einen einges-  
wolckten Gott / weil er in wolcken gen Himel  
fuhr.

Ich hette irē Gott der weise nach auch wol  
wissen zu nennen / wolts auch noch wol thun/  
wo ich des namen Gottes nicht schonete / vnd  
inen auch jren rechtē namen gebē/das sie nicht  
schlecht Brotfresser vñ Weinsuffter/sondern/  
Seelfresser/vnd Seelmörder weren. Vnd sie  
ein eingeteuffelt/durchteuffelt/vberteuffelt/le-  
sterlich hertz vñ Lügenmaul hetten/Vnd wolt  
damit die warheit gesagt haben/ weil es nicht  
kan widersprochen werden/das sie mit solchen  
jren Lesterungen vnuerschampt gelogen ha-  
ben/wider jr eigen Gewissen/vnnnd noch nicht  
büßen/Ja sich in jrer Bosheit rhūmen.

Wolan es sol vnnnd kan niemand von den  
Christē für die Schwermer beten / noch sich ir  
annemen. Sie sind dahin gegeben vnd sundis-  
gen zum tode ( wie S. Johannes sagt ) Von  
den Meistern rede ich / dem armen volck so vn-  
ter jnen ist / helffe der liebe Herr Christus von  
solchē Seelmördern. Sie sind ( sage ich ) hoch  
vñ oft gnug vermanet / sie wollen mein nicht /  
so wil ich jr auch nicht. Sie haben nichts von  
mir ( rhūmē sie ) des danck ich Gott. So habe  
ich viel weniger vō jnen / des sey Gott gelobt/  
Was jmer hinfaren/was nicht bleiben wil / Es

wird sich finden / hat sichs nicht Bereit allzu  
seer gefunden.

**E**rstlich wurden sie gewarnt / flugs im an  
fang von dem heiligen Geist / da sie wol in  
sieben Geister sich teilten / vber dem Text /  
jmer einer anderst denn der ander.

**D**Er erst Carlstad / machte den text also /  
Das ist mein Leib / Solt so viel heissen /  
Hie sitzt mein Leib. Vnd der text solt also  
stehen / Er nam das Brot / danckt vnd brachs /  
vnd gabs seinen Jüngern vñ sprach / Hie sitzt  
mein Leib der fur euch gegeben wird.

O Dis war so gewis / Das nicht allein der  
heilige Geist / sondern d̄ himelische Vater selbs  
hatte es im offenbart / Davon ich wider die hi  
melischen Propheten hab gnug geschrieben.

**D**Er and / Zwingel sagt / solchs were nicht  
recht gemacht / vnangesehen / das der hi  
melisch Vatter selbs hatte offenbart. Vñ  
machte den Text durch seinen andern heiligen  
Geist also. Nemet/esset/ Das bedeut meinen  
Leib / der fur euch gegeben wird. Ist / muste  
hie Bedeutet heissen.

**D**Er dritte Ecolampad / Brachte d̄ dritten  
heilige Geist herfur / der machte den Text  
abermal anders / nemlich also / Nemet es  
set / Das ist meins Leibes Zeichen.

**D**Er vierde / Streckefeld / Lies sich d̄nckē /  
sein stäck were thesem in aller welt / Bracht  
aus dem vierden heiligen Geist dise Regel.  
Man mus diese wort (Das ist mein Leib) aus  
den

Den augen thun / denn sie hindern den geistlichen verstand. Diese Regel mustu wol merckē wiltu ein Theologus werdē/nemlich / Wo die hellen wort Gottes deinen verstand hindern/ das du einen andern suchest / der dir gefalle/ vnd denn sagest/ Es sey der heilige Geist/ dar nach die wort ordenest vnd deutest / wie dichs gur dünckt.

Als/hie mustu zuvor den hohen geistlichen verstand fassen/das Brot/brot sey / Wein/wein sey / welchs kein Papist noch Luther jemals verstanden hat / auch kein Becker noch Kretzmaier. Vnd demnach den Text also machen/ das hinderst zu förderst setzē/nemlich/ Nemet hin vnd esset / Mein leib der fur euch gegeben wird/ist dz ( vernim eine geistliche speise) Da hastus/ Gehe nu hin vñ sage/das Stenckesfeld nicht den heiligen Geist habe / weit vber die Drey heilige Geister/ Carlstads/ Zwingels vñ Colampads.

**S** Er fünffte heiliger Geist / Etliche seines geschmeiffes vñ vnzifers / machens also. Nemet/esset/was fur euch gegeben wird/ Das ist mein Leib.

**S** Er sechste heiliger Geist/machts also. Nemet hin/esset/ Das ist mein Leib/ zum gedechtnis. Solt so vil sein / Nemet / esset / Das ist meines Leibs gedechtnis (nominatiuū corpus, per genetiuum corporis exponendo) Der fur euch gegeben, etc.



**S** Er siebend heiliger Geist / Joh. Campa-  
nus / machts also / Nemet hin / esset / D<sup>z</sup> ist  
mein Leib / corpus scilicet paneu, Solt so  
viel heissen / Das Brot / so ich euch gebe / ist ein  
Leib od corper fur sich selbst / nicht mein lebendis-  
ger natürllicher Leib / Sondern ein todter / leblos-  
ser Leib / wie stein vnd holtz ein Leib ist. Aber  
weil es meine creatur ist / so ist es auch mein Leib /  
dē ich geschaffen habe. Dis ist d<sup>r</sup> aller hōhest heiliger  
Geist / wid vñ vber die andern alle / on d<sup>r</sup>  
er dē Becker die ehre nimpt / der dennoch auch  
etwas am Brot gemacht hat. Vnd Gott nicht  
das Brot / sondern das Korn zum Brot schafft.

**V**ber diese / schweiffre vmbher noch ein vbrü-  
ger heiliger Geist (Den d<sup>r</sup> teufel ist heilig /  
vnd ein grosser geist) Der sagt also / Es sey  
hie kein Artickel des glaubens / Drum solt man  
nicht drum zankē / Ein yeder möcht hie glau-  
ben was er wolt.

Dieser heiliger Geist / duncēt mich ein jun-  
ger heiliger Geist sein / welchen der alte heilige  
Geist Stenckfeld geheckt / vnd außgebrütet  
hat. Denn er helt sein die Regel Stenckfelds /  
vnd thut den Text nicht allein auß den augen /  
Sondern wirfft in hinder sich weg / mit glau-  
ben vnd mit allem / wie eine taube nuss / macht  
nichts anders draus.

Diese heilige Geister alle sampt wie hart sie  
vber dem Text vneins sind / stimmen sie doch  
zusamen / in dem hohen Geislichen sinn / Das  
Brot / Brot / Wein / wein sey. Vnd wer solchen  
hohen

hoben verstand nicht hat/der solt wol irre werden/vnnd glauben/das Brot nicht Brot/sondern holtz oder stein were/Das were ferlich ding.

Also ist das Abendmal By jnen nichts anders / denn sonst ein teglich gemeine malzeyt/ Da man Brot vnnd Weyn braucht / Denn bey dem selben/ kan man von Christo reden/ lesen/ loben/dancken/ vnd also geistlich essen/eben so wol als im Abendmal Christi. Vnnd Christus vberaus ein grosser Narr ist / da er ein sonder Abendmal stiftet/welchs die wält züvor/ voll ist/vnd teglich geschicht. Were gar gnug geweest/wo er also hette gesagt/Wenn vnd wo jr Brot esset/vnd wein trinckt/ So thuts zü meinem gedechtnis / Das were ein vollig Abendmal Christi/wie es die Schwermere haben wollen/ Gleich wie S. Paulus von dem ganzen leben spricht/Was jr thut so thuts im nammen des H. Erri Ihesu Christi/ vnd dancket Gott dem Vater durch in. Was ist das anders/denn in allen vnserm thun/ ein geistlich essen halten/ Das ist/des H. Erri gedenccken/vnd den glauben stercken. Also möchte mit der zeit/ein fein Gefellen zechen / wie die Corinthier anfiengen/ aus dem Abendmal werden.

Vm andern mal/wurden sie von vielen geschwornet/von mir auch gar sonderlich/da ich so vleissig wider sie schreib/vñ jre grund vñ ursachen/gewaltiglich verlegt/das jr gewüssen fülen muste. Denn sie hatten zween Sprüche für sich / Einen Joh. vj. Fleisch ist kein nütze/

welchen Lcolampad / seine eiserne matirē  
hies. Den andern/Christus ist gen Himmel ges  
faren/darumb kan sein Leib vñ Blut nicht sein  
im Abendmal/Vñ füreten der Sprüche mehr/  
Die von der auffart Christi redeten/Leretē vns  
seer hefftig/ das Christus gen Himmel were ge  
faren/gerade/ als hetten wir solches/nim wol  
von 1500. jaren her/nie gehöret. Aber das da  
rumb eitel Brot vnd wein im Abendmal were/  
das Nüsslin wolten sie nie kein mal beiffen  
noch anrüren / wie meine Bücher dafurhan  
den/wider sie zeugen.

Den ersten spruch/ Fleisch ist kein nütze/nam  
ich inen so gewaltig/ das auch Zwingel in sei  
nem letzten Büchlin/ des nicht mehr gedeneckt.  
Den anderen nam ich inen auch gewaltiglich/  
nemlich also. Es were vnmüglich/ das sie sol  
ten mit ernst bewogen sein / den Leib vñ Blut  
des HErrn im Abendmal zu verleugnen/vñ  
des Spruchs willen ( Er ist gen Himmel gefa  
ren ) wie sie doch in vielen Büchereu vnd mit  
stoltzen worten jmer pocheten/ sondern sie müs  
sten hierin gewislich liegen. Das beweiset ich  
aus diesem grund/ Das Abendmal hat Chri  
stus eingesetzt/vnd seinen Leib vñ Blut seinen  
jüngern gegeben/wie die wort da stehē/Esset/  
das ist mein Leib / ehe er gen Himmel gefarē ist.  
Denn da sitzt er ober tische/hieniden auff Er  
den/ vñ helt das erst Abendmal. Darum kan  
nicht war sein/das sie rhümen/nemlich/Es ha  
ben sie bewogen die sprüche von der Himmel  
fart.

fart. Denn da wider siehet/ das Christus das  
Abendmal helt ehe denn er gen Himmel feret.

Hindert nu seine Himelfart das erste Ab-  
bendmal nicht/ Wie kans ernst vnd nicht erlo-  
gen sein/ da sie sage/ Es habe sie die Himelfart  
Bewogen vnd gehinderet? Sintemal wir nit  
1300. jar kein ander Abendmal halten/ den das  
Der Herr am ersten hat eingesetzt vnd befol-  
hen/ wie er spricht/ Solchs thut zu meinem ge-  
dechnis. Zu dem wissen sie rind verstehen  
nicht/ was gen Himmel faren heist/ wie kan sie  
es denn Bewogen haben?

**H**Je wider kundten sie nichts mehr/ vñ such-  
ten nu wege/ wie sie jr bösen sachen flucken  
vñ pletze/ vñ sich mit vns vergleichē möch-  
ten. Da ward das Colloquium zu Marburg  
angestellet/ Darin besserten sie die sache/ vnd  
gaben zu/ Es were nicht eitel Brot vnd wein  
im Abendmal/ wie sie bisher gestritten hatten  
auffs hefftigst/ sondern der Leib vñ Blut were  
auch drinnen/ Aber nicht leiblich/ sondern geist-  
lich. Solchs wolt den stich auch nicht halten/  
Denn geistlich genieß. n/ ist allein der heiligen  
vnd gerechten. Aber S. Paulus spricht/ das  
die vnwürdigen eben so wol den leib vnd Blut  
Christi empfaben/ als die würdigen j. Cor. xj.

Vnd der Zwingel hatte ein lange vnges-  
teimpt geschwetz mit mir/ de locali inclusione/  
das im Brot nicht sein künde der leib Christi/  
wie im raum oder gefesse/ Gerade/ als lereten/  
wir/ das Christus leib im Brot were/ wie stro.

im sacke/oder wein im faß. Demnach jr etliche  
entschuldigetend sich/sie hettends nicht anders  
verstanden/wir vnd die Papisten leereten also/  
das Christus leib were im Sacrament Locali-  
ter/wie stro im sacke / o das war ein faule/fals-  
che/lame entschuldigung.

Denn sie wußten seer wol / das w der die  
Papisten noch wir/so hatten geleeret. Vnd ob  
sie es (vngleublicher weise zu reden) nicht an-  
ders hettend verstandē/ müßten sie damit bekē-  
nen/das sie als die vn Sinnigen/solche sachen an-  
fechten / welche sie selbs nie mals hettend gehō-  
ret noch verstanden. Denn der Papisten Leere/  
war zu der zeit viel mehr / denn 173/am tage/  
Ja es war kein ander Leere am tage / das die  
Schwermer haben müssen der selbigen wissen  
hafft gehabt haben.

Also leren aber die Papisten / Ja nicht die  
Papisten/Sondern die heilige Christliche Kir-  
che vnd wir mit jnen (denn der Papsst/wie ge-  
sagt/hat das Sacrament nicht eingesetzt) das  
Christus Leib nicht sey Localiter (wie stro im  
sack) im Sacrament/ sondern definitiue/ Das  
ist/Er ist gewislich da/ nicht wie stro im sack/  
Aber doch leiblich vnd warhafftig da / wie ich  
in meinē büchlin starck beweiset habe. Solchs  
sage ich/wußten sie wol / oder warens je schü-  
dig zu wissen / Da sie so greulich toben wole-  
ten/wider das/so sie nicht wußten.

Also schieden wir von Marburg/ mit sol-  
cher hoffnung (wie gesagt) weil sie alle Christo-  
liche

liche Artikel nachgaben / vnd in diesem Artickel des heiligen Sacraments / auch vom vorigen irthumb (das es schlecht Brot were) abtraten / Sie würden vollend gar vnd ganz mit der zeit zu vns treten.

Weil nu durchs Teuffels geschafft solchs gefeilet / vnd ich wol betrogen / wie ich aus dem Büchlin nach des Zwingels tod ausgegangen / mus mercken / das er nach dem Colloquio erger worden ist denn zuvor / vnd gewislich zu Marpurg hat felschlich mit mir gehandelt / Werde ich gezwungen / keines Schwermers / er hiesse Stenckefeld / Zwingel / Ecolampad / Carlstad / oder wer sie sind die Schwärmer / Broßfresser vnd Weinsuffer / das ist / Christus lesterer vnd feinde / gemeinschaft anzunemen / sondern mus weder ire Briue / Bücher / grus / seggen / schrifft / namen / noch gedechtnis / in meinem hertzen wissen / auch weder sehen noch hören.

Denn weil ich gewis bin / vnd jr eigen gewis wissen wider sie stehen mus / das sie vnrecht sind vnd Gott lestern / Wil vnd kan ich frölich fur meinem lieben HErrn Ihesu Christo am Jüngsten tage sagen / HErr Ihesu / ich habe sie trewlich gewarnet vnd vermanet / dazu sie jr eigē Gewissen überzeuget / das müssen sie fur dir bekennen / das weiffestu lieber HErr.

Um dritten mal würdē sie vermanet / durch das schreckliche vrteil Gottes / da der Zwingel so jemerlich ward erschlagen / wie die

Historien vnd ire Briete zeugen / vnd mit im  
bey fünff tausent Man/ser feiner Leute. Wies  
wol sie solch zornig vrtail / gleich fur ein Gnas  
denzeichen deuten wolten / Vnd den Zwingel/  
als einen Heiligen rhümen / der gleich wie alle  
Heiligē viel leidē müssen / auch vnschuldiglich  
erschlagen sey. Was hilffets ? wenn Gott noch  
mehr plagen / denn er vber Pharao thet / vber  
sie schicket / weil sie solches sinnes sind / das sie  
eitel Heiliges leiden daraus machen wollen?  
Wie die Jüden nu 1500. jar / jr leiden vnd vnz  
glück auch deuten / vnd sich damit verstocken/  
damit sie so grewlich vermanet werden. Ich  
aber so gewis bin / das Zwingel (wie sein letzte  
Büchlin zeuget) in grossen vnd vielen sunden  
vnd Gottes lesterung gestorben ist / kan ire deu  
tung nicht glauben.

Wiewol ich wündsche vnd wolt / das Gott  
mit im hette den spruch S. Pauli gebraucht j.  
Corinth. v. Ubergaben zum vedrerben des  
fleisches / auff das der Geist selig werde am ta  
ge des HErrn Ihesu. Vnd j. Corinth. xi.  
Wenn wir gestraffe werden / so werden wir  
vom H E R R N gezüchtiget / das wir nicht  
samt der Welt verdampft werden. O hertzlich  
gerne wolt ich / das im nach diesen Sprüchen  
gangen were / Denn mir solch sein Unglück  
vber die masse leid war / vnd noch ist.

Wenn leiden sol heilig heissen vnd heilig  
machen / mus zuvor vnschuld da sein / vñ gute  
Gdtiliche sache / wie auch S. Aug. spricht / Nō  
pōna

poena, sed causa facit Marryrem. Nu wissen sie wol/ das Zwingel/ vber die lesterüg wider das Sacrament/ auch weltlicher weise böse sache hatte/ Da er an dem straffe legen/ wider jenes teil/ freuelich handelte/ Das sichs wol mehr findet/ er sey nach diesem Spruch geurteilt. Qui gladiū acceperit, gladio peribit. Ja so müssen wir dencken vnd halten/ Sie mügen deuten/ sagen/ schmücken was sie wollen/ die Historien vnd ire schrift/ sind wider sie selbs.

Sie trösten sich auch (höre ich sagen) das sie viel Bücher schreiben vnd grosse arbeit bey der Kirchen vnd an der Schrift thun. Was hilffis? weil sie Gottes wort vnd Sacrament felschen vnd verkeren/ Vnd nicht hören wollen. Wer Gott nicht höret/ den höret er wider nicht/ Sondern sein gebet ist ein grewel/ Proverb. xxviii. Die Jüden arbeiten auch seer in der Schrift/ nu wol 1500. jar. Ja welche Betzer haben nicht viel mehr geerbeitet/ mit leren vnd schreiben/ denn die Christen? Des Teufels Marterer (wie man spricht) wird die Helle viel seurer zu verdienen/ denn der Himmel den rechten Heiligen.

Weil nu so viel vnd grosse warnung vnd vermanunge Gottes an inē schlechts verloren sind/ Denn meine schrift fur funffzehen jaren ausgegangen/ kan ich mit gutem gewissen vnd starckem glauben/ auch Göttliche vermanunge rhämen/ neben den andern Zwo vermanungen/ So bin ich auch nicht zu geringe dazu/



Das sie von mir sich solten vermanen lassen/  
weñ sie hoch rhümen / Denn ich auch ein Dies-  
ner Christi bin / so wol / wo nicht mehr / als sie /  
Vnd auch in seiner Kirchen gearbeitet habe /  
ehe denn sie / wil nicht zu hoch rhümē / mus ich  
sie faren lassen vnd meiden / als die autokata kri-  
tos / die wissentlich vñ mütwilliglich verdampft  
sein wollen / Vnd mit irem keinem einigerley ge-  
meinschaft haben / weder mit Briuen / schrift-  
ten / Worten / noch wercken / wie der H<sup>er</sup> ge-  
beut / Matth. xvij. Er heisse Stenckfeld / Zwin-  
gel oder wie er wolle / Den ich rechen sie alle in  
einen Kuchē / wie sie auch sind / die nicht glaus-  
ben wollen / das des H<sup>errn</sup> Brot im Abēdmal  
sey / sein rechter natürlicher Leib / welchen der  
Gottlose oder Judas eben so wol mündlich em-  
pfehet / als S. Petrus vnd alle Heiligen. Wer  
das (sage ich) nicht wil glauben / der las mich  
nur zufrieden / mit Briuen / schriftten oder wor-  
ten. Vñ hoffe bey mir keiner gemeinschaft / Da  
wirdt nicht anders aus.

Je mit habt jr / Mein guter Freund mein  
H<sup>er</sup>rsach / warum ich dz Lestermaul Schwē-  
ckfeld nicht hab wollen hören / noch jm  
antworten / das mügt jr / wo es euch anders ge-  
lüstet / denen anzeigen die villeicht den Sten-  
ckfeld / wider mich bestenckert vñ beschmeißt.  
Ich / wie gesagt / habo gern / das mich solche Le-  
stermenler schenden / vnd das sie seer zürnen  
yber mich / Sie ist niemand der auff iren zorn  
gibt. Thüren sie den Hausuatter B. I. zebub  
schelten

schelten/was solten sie nicht lestern sein Gesin-  
der? Das ist/ Thüren sie vnseren lieben HERRN  
Jesum Christum lestern vnd lügen strassfen in  
seinen worten / Nemet/esset/das ist mein Leib  
etc. vnd sein seliges tröfliches Sacrament d. u  
ten vnd verkeeren in eine Bawrzechē/was sol-  
ten die allerhohmütigsten Geister/dem armen  
Luther nicht thun?

Summa / Sie sind von mir erfunden vnd  
vberwunden/ vielfeltiglich/ als die offenberli-  
chen Lestere vnd Lügner. Erstlich da sie im  
anfang lereten/Es wäre nichts denn eitel Brot  
vñ wein im Abendmal. Darüber sie vns schol-  
ten vnd lesterten fleischfresser/ Blutsauffser/  
Thiestas/ Capernaiten / Vnsere HERRN/ den  
gebäckē Gott/den brötern Gott/ den weinern  
Gott/etc. wie die Beuche ram tage zeugen e-  
wiglich.

Welch Christen hertz kan oder wil auch  
glauben/ das der heilige Geist / vnd nicht viel  
mehr der leidige Teuffel nochmals vnd jmer  
fort in jnen sey / Weil sie die hellen Wort des  
HERRN / Nemet/esset/das ist mein leib/Deus-  
ten aus eigener thurst vnd freuel / auff jren  
trauwim / das er geistlich vnd nicht leiblich da  
sey. Dann wir wissend seer wol/ob gleich der  
HERR Christus durch den glauben(wie S.  
Paulus leret Ephes. iij. )in vnserm hertzen wo-  
net/welchs geistliche wonüg heisst/ So hat er  
doch keinen geistlichen Leib noch Blut an sich  
genommen/nach fur vns gegeben/wie er spricht

Luc. vlt. Greiffst vnd sehet / Ein geist hat kein  
fleisch vñ Beine/wie jr sehet das ich habe/ Vnd  
Doch geistlich in vnserm hertzen wonet.

Zum anderen / die sprüche so sie gefurt ha-  
ben / als die von der Himelfart vnd vom vns  
nützen fleisch reden / habe ich flierlich vberwei-  
set / das sie die selben fleischlich gedeutet / vnd  
im verlogten verstand gebraucht haben / Vnd  
also in vielen groben lügen ergriffen sind/ vnd  
in solchen öffentlichen lesterungen vnd lügen  
noch heutiges tages / vnbusfertigt / verstockt/  
halstarriglich verharren / So müste ich mich  
selbs in abgrund der Hellen sampt jnen ver-  
damnen/wo ichs mit jnen wolt halten/ oder mit  
jnen gemeinschafft habē/ oder dazu still schwei-  
gen / wenn ichs merckt oder höret / das sie sich  
meiner Gemeinschaft anmasseten / oder rüh-  
meten. Das thue/oder dazu schweige der Teu-  
fel vnd seine Mutter/ Ich nicht.

Ich wil mit dem heiligen vatter Abraham  
vnd allen Christen / auff dem spruch Rom iiii.  
stehen. **WAS GOTT REDET / DAS  
KAN ER WEL THUN.** Item Psalm.  
lj. Auff das du recht habest in deinen worten/  
wenn du geurteilet wirst. Vñ wil nicht/zu erst  
meine vernunft rat fragen / Wie sichs reime/  
oder möglich sey / das ich seinen Leib vñnd  
Blut mündtlich empfahen müge/vnd darnach  
als ein Richter vber Gott/seine wort/nach mei-  
nem dñckel deuten. Nein / so wil ich nicht  
schwermen / Er hats gesagt / da las ichs bey  
bleiben

Bleiben / Verführet er mich / so bin ich seliglich  
verführet. Er hat noch nie kein mal gelogen / kan  
auch nicht liegen. Aber die Schwermer sind  
öffentliche Lügner / von mir vnd von jnē selbs  
erkundē. Müssen auch jmer fort liegen weil sie  
irē dünckel mehr trawen den dē wort Gottes.

**W**as wer das nicht wil thun / vnd nicht ste  
hen auff dem / oder der gleichen sprüche /  
Was Gott redet das kan er thun. Item /  
Gott kan nicht liegen etc. Dē rate ich trewlich /  
das er die heilige Schrift vñ die Artickel des  
Christlichen glaubens zu frieden lasse. Denn  
mit seinem Deuten verteuuffet er sich / je lenger  
je mer / Vnd ist jm besser er bleibe ein verdam  
pter Heide / denn das er ein verdampfer Chris  
ten werde.

O lieber Mensch / wer nicht wil glauben  
den Artickel im Abendmal / wie wil er doch  
jmer mehr glaubē / den Artickel von der Mens  
cheit vñnd Gottheit Christi in einer Person.  
Vñnd sichtet dich an / das du den leib Christi  
mündlich empfehest / wenn du das Brot vom  
Altar issest / Item das Blut Christi empfehest  
mündlich / wenn du den Wein trinckest im  
Abendmal / so mus dich gewislich viel mer an  
fechten (sonderlich wenn das stündlin kōmpt)  
wie die vnendlich vnd vnbegreifliche Gott  
heit / so allenthalben wesenlich ist / vnd sein  
mus / leiblich beschlossen vnd begriffen werde /  
in der Menschheit vñ in der Jungfrawen leibe  
wie S. Paulus sagt / Coll. j. In jm wonez die

ganze fülle der Gottheit leiblich.

Vnd wie ist's möglich/das du soltest glauben / wie allein der Son sey mensch worden/ nicht der Vater noch heiliger Geist/so doch die Drey Personen nichts anders sind / denn der einige Gott im aller einigsten wesen vnd natur der einigen Gottheit. Wie kan sichs reimē? wie ist's möglich? das die einige ganze volkommene Gottheit des Sons/ sich also solt trennen oder teilen/ das sie zu gleich ist vereinigt mit der Menschheit / Vnd die selbige einige Gottheit des Vaters vnd heiligen Geists / nicht vereinigt ist mit der Menschheit? Vnd ist zu gleich einerley Gottheit / in Christo mit der Menschheit eine Person / vñ nicht der Vater oder heiliger Geist. O wie sollen sie allererst recht schwermen/daumeln vnd poltern/ wenn sie hieher kommen? Da sollen sie zu deuten finden / wie ich Dean höre / das sie bereit an getrost vnd weidlich hinan gehen / mit Lutycheren vnd Nestorren. Señ dz dacht ich wol/habs auch gesagt/sie müsten hie her kommen/der Teufel kan nicht fetzen / Wo er eine Ketzeren stiftet / da mus er mehr stiftten / vnd bleibt kein irrthum alleine. Wenn der Ring an einem ort entzwey ist/ so ist er nicht mehr ein Ring / helt nicht mehr vnd bricht jmer fort etc.

Vnd wenn sie gleich viel rhümen / das sie diesen Artickel von Christus person glauben vnd viel daruon plaudern/So solt du es nicht glauben / sie liegen gewislich alles was sie hie  
von

von sagen / Mit dem munde sagen sie es wol/  
(wie die Teufel im Euangelio auch den H. Ers  
ren nennē Gottes son) Aber das hertz ist weit  
davon / Matth. xv. das ist gewis. Gleich wie  
die Jüden schwuren bey dē lebendigen Gott/  
Aber schwuren doch felschlich / spricht der Pro  
phet. Der Türcke rhümet auch den namen  
Gottes / Aber im sterben fundē sie / wer jr Gott  
sey. Denn gewis ist / wer einen Artickel nicht  
recht glaubet / oder nicht wil (nach dem er ver  
manet vnd vnterricht ist) der glaube gewislich  
keinen mit ernst vnd rechtem glauben. Vnd  
wer so küne ist / das er thar Gott leugnen / oder  
lügenstraffen in einem Wort / Vnd thut solchs  
mutwilliglich wider vnd vber das / so er einst  
oder zweier mal vermanet / oder vnterweiset ist /  
der thar auch (thut auch gewislich) Gott in  
allen seinen worten leugnen vñ lügenstraffen.

Darumb heiffes / rund vnd rein / gantz vnd  
alles gegleubt / oder nichts gegleubt / Der heili  
ge Geist lefft sich nicht trennen / noch teilen / das  
er ein stück solt warhafftig / vnd das and falsch /  
leren oder glauben lassen. On wo schwachen  
sind / die Bereit sind sich zu vnterrichten zu las  
sen / Vñ nicht halstarriglich zu widersprechen.  
Sonst wo das solt gelten / das einem jedern on  
schaden sein müste / so er einen Artickel möcht  
leugnen / weil er die andern alle für recht hielte  
(wie wol im grund solchs vnmüglich ist) so  
würde kein Ketzer nimer mehr verdäpft / würa  
de auch kein Ketzer sein können aufferdē. Den

alle Ketzer sind dieser art/Das sie erstlich allein  
an einē Artickel anfabē/Darnach müssen sie alle  
hernach vnd alle sampt verleugnet sein / gleich  
wie der Ring/so er eine borsten oder rig kriegt  
taug er gantz vnd gar nicht mehr. Vnd wo die  
Glock an einē ort berstet/klingt sie auch nichts  
mehr/vnd ist gantz vntüchtig.

Solchs las dich die Exempel leren / Arius  
nam diesen einigen Artickel fur/Das Christus  
nicht Gott/sondern eine Creatur were. Die an  
dern Artickel alle/ vnd sonderlich / Das Gott  
der Vatter ein einiger Gott were/schepffer Hi  
mels vnd der Erden / Das Christus fur vnser  
sunde gestorben were/das die Tauffe/Sacra  
ment / Schlüssel/ aufferhebung der todten/  
vnd ewiges leben were/ glaubte er wol andech  
tiger (wie seine wort lauten ) denn die rechten  
Christen glauben. Noch stehet da die heilige  
Schrifte/vñ zeuget/ er habe keinen Artickel ge  
glaubet. Denn so spricht S. Johannes j. Joh.  
ij. Wer den sun verleugnet/der hat auch den  
Vater nicht / Wer den Son bekennet/ der hat  
auch den Vater/etc. Hat nun Arius den Son  
vnd Vater nicht / so hat er auch keinen Gott/  
noch schepffer Himels vnd der Erden/das ist/  
Es hilfft jm nicht / Das er mit seinem maul/  
Gott den Vater schepffer Himels vnd der Er  
den nennet vnd hoch preiset / ob wol kein an  
der Gott ist schepffer Himels vnd der Erden  
Denn der / so Arius nennet mit seinem lügen  
maul/nach ist er/jm dem Aris nicht ein Gott/  
darumb

Darumb das er seinen einigen Son Christum  
verleugnet vnd lestert/ das er nicht Gott sey.

Also ist jm die Tauffe / kein Tauffe mehr/  
Vergebung der sunden / keine vergebung der  
sunden mehr / Sacrament / kein Sacrament  
mehr/ das ist / Es nützet jm nicht mehr/ ob er  
wöl zuvor recht getoufft ist/rechte vergebung/  
recht Sacrament empfangen hatte. Also hat  
er alle Artickel des glaubens verloren/ weil er  
den rechten Gott des glaubens Christum ver  
leugnet / vnd ist jm kein Artickel nichts nütze/  
vnd er kan auch keinen Artickel mit rechtem  
ernst glauben / Sondern mus der selben alle  
samt brauchen zu seinem verdämmnis / Wie  
das ander Gebot sagt/ Du solt den namen dei  
nes Gottes nicht misbrauchen. Da hörestu  
dz auch der rechte heilige name Gottes nichts  
hilfft/sondern schadet/denē die nicht recht glau  
ben/ sondern des missgebrauchen. Daher auch  
die alten Veter disputirt habē / ob der Arianer  
Tauffe auch rechte Tauffe were. Also kömpt  
jmer ein vnglück aus dem andern.

Macedonitis Bischoff zu Constantinopel  
der Ketzer glaubte auch alle Artickel / on dem  
einigen / Das der heilige Geist rechter Gott  
were. Was halffs jnen vñ die seinen? Es war  
jm doch so viel als glaubte er keinen. Vnd ob er  
sie mit dem maul gleich recht ausspreche vnd  
nennet/ so hat er doch keinen Gott/ weil er den  
heiligen Geist fur keinen Gott helt / Darumb  
hat er auch keinen Schepffer Himmels vnd der



Erden. Da ist seine Tauffe nichts mehr/keine  
vergebung dar sünden/kein Sacrament/kein  
ewiges Leben. Vnd ob er strenge lebt/ vnd ein  
scheinbarlich Christlich leben füret/ noch ist er  
kein rechter Christ/Söndern ein grosser Heuch-  
ler/Were jm viel besser/ das er kein Christ we-  
re/ noch den Christlichen namen so missbrau-  
chet/vnd felschlich füret/ das ist/ so verdämlich  
füret vnd ehret.

Also Nestorius/ auch Bisschoff zu Constanz  
tinopel/ war mit den seinen ein strenger mann  
in allen andern Articklen/Aber in dem einigen  
war er ein Ketzer / das Gottes Son Christus  
nicht were von Maria der Jungfrawen gehö-  
ren/Vnd Maria were nicht/kündte auch nicht  
sein/eine mutter Gottes. Damit wurden jm  
die andern alle Artickel auch zu nicht/ on was  
er sie mit dem mann nennen vnd misbrauchen  
mocht. Daher auch auß diesen dreien Ketzern  
zuletzt viel mehr Ketzerey heraus brachen/vñ  
an tag sich gaben (denn sie steckten zuuor drin-  
nen verborge) bis das der leidig Mahmeth  
heraus komen ist/ Denn alle Historien zeugen  
Mahmeth sey aus den Arrianern / Macedo-  
niern vnd Nestoriten komen / In welchen er  
auch zeitlich vnd von anfang gesteckt hat.

Vnd wo her ist der Pappst so vol Ketzerey  
worden / vnd hat jmer eine Ketzerey nach der  
andern in die Welt bracht / bis sie nu zu Rom/  
sonderlich in des Pappsts hofe / eitel Epicurer  
vnd spötter des Christlichen glaubens sind:  
Nemlich

Nemlich daher / Das sie vom glauben Christi  
auff die werck gefallen sind / Das ist / auff ire ei-  
gene gerechtigkeit. Was ist jm da nütze bliebē/  
von allen andern Artickeln? Was hilfft jm / Dz  
er mit dem maul hoch rhümet den rechten  
Gott den Vater / Son vñ heiligen Geist / vnd  
trefflichen schein fur wendet eines Christliche  
lebens / Gleich wol ist vñ bleibt er / der grössst  
feind Christi vnd der rechte Antichrist / hat sich  
selbs zum heubt der Christenheit gemacht / Ja  
zum vnterloch vnd hinderloch des Teufels / da  
durch so viel gewel / der Messen / Müncherey  
vnzucht in die welt geschmissen ist / bis so lange  
auch die Münche durch jr lausichte kappen /  
den sterbenden Christen gen Himmel hulffen.

Also wirds die Schwermer nichts helffen  
Das sie bey dem Sacrament seer gros gewesch  
treiben / von dem geistlichen essen vnd trincken  
des Leibs vnd Bluts Christi / vnd von der lies  
be vnd einigkeit der Christen. Denn das sind  
eitel Feigenbletter / Da sich Adam vnd Hena  
mit decken vnd schmücken wolten / Das Gott  
ire schande vnd sunde nicht mercken solte. Viel  
weniger wird sie helffen / jr grosse arbeit mit les  
ren vñ schreiben / mit ernstem züchtigem wans  
del / Das ist noch alles Heidnisch ding / dazu  
auch dis verloren ist / Das sie Gott den Vatter /  
Son vnd Heiligen Geist / vnd Christum den  
Heiland glauben. Alles sage ich / ist verloren /  
mit allen Artickeln / wie recht vnd vnstrefflich  
sie die selben mit dem falschē lestermaul nennen

oder geben/darumb das sie diesen einigen Artikel leignen vnd lügenstraffen / Da im Sacrament Christus spricht/Nemet ( das Brot ) vnd esset/ das ist mein Leib der fur euch gegeben wird/etc. Den was sie vom geistliche essen vnd von der liebe plaudern/ ist alles dahin gericht/ das sie solchen schaden vñ gift zu decken vnd schmückē wollen/das man den selbē nicht achten noch sehen/Sondern sie als die sonderlichen vñ besten Christē achtē solle/ Das heisse auff deudsch/ ein Teufels gespenst fur die augen stellen / Vnd den finstern Teufel ( wie S. Paulus leret ) mit dem hellen Kleid/der liechtē Engel schmücken. Darum ist jr gros rhumen vnd viel erbiet/weil sie in diesem einigen Artikel/nicht wollen Christen sein/verloren.

Dauon redet der HERR Luc. xj. Siehe zu/das das liecht in dir nit finsternis sey. So nu dein Cörper gantz liecht ist / vnd kein stück finsternis hat / so wird er gantz liecht sein / Da siehestu/das der HERR wil / Es solle alles liecht in vns sein / vnd kein stück der finsternis darunter sein. Wie auch Matth. vj. So das liecht das in dir ist / finster ist / Wie gros wird das finsternis selbs sein. Vnd Paulus Gal. v. Ich bezeuge einem jeden menschen / wer sich beschneiten leste (welches ein stücklin war) der ist von Christo vñnd von der gnade gefallen/ vñ ist schuldig des gantzē Gesetzes zu halten. Daher komē ist der spruch Jacobi ij. Wer das gantzē Gesetze hellt/vnd sundigt in einē stück/  
der

Der ist in allen stücken schuldig/Den der da ge-  
boten hat / Du solt nicht Ehebrechen/ der hat  
auch geboten/Du solt nit tödten etc. Es ist ein  
Gott der alles geboten hat/Wer den in einem  
erzürnet/mit dem zürnen widerumb alle Crea-  
turen vnd alle Gebot Gottes/Nach seine eige-  
ne gute werck die er nach den andern geboten  
vermeinet gethan haben / Denn sie sind nicht  
im rechten gehorsam Gottes / noch im glau-  
ben Christi gethan/etc.

Möchtestu sagen/Nach lieber Luther/es ist  
zu hoffen oder je nicht zu besorgē/das Gott so  
seer hefftig vnnnd grausam gestrenge sein solt/  
das er die menschen vmb eines articckels wil-  
len verdammen wolle/Wen sie sonst ander alle  
articckel trewlich halten vnd glauben. Denn  
also trösten sich nicht allein die Ketzer / sonder  
auch andere sündler / wie Syrach schreibt / als  
werde Gott jr andere gute werck ansehen vnd  
gnedig sein / Wie auch der künig Saul seinen  
ungehorsam / mit seiner andacht vnnnd opffer  
schmücken wolte / i.Reg.xv. gehen also dahin  
sein sicher vnnnd gewis als hett es kein not mit  
jnen. Die viel grosse werck vñ erbeit so sie sonst  
thun / werden ein einiges stücke vberwegen.  
Dagegen ist zu sagen/das Gott viel weniger  
hoffen noch sich versehen kan / das sein arme/  
elende/Blinde Creatur/so tol vnd stoltz sein solt  
wider jren schepffer vñ **HERREN**. Das sie  
sein Göttlich wort/leugnen/lügenstraffen vñ  
lestern würde / Sondern also ist jm zu hoffen/

Das seine Demütige/vnderthenige/gehorsame  
Creatur/nicht ein einiges wort leugnen vnd  
lestern / sondern alle vnd ein jglichs in sonder-  
heit hertzlich annemen / vnd mit allen freuden  
dancken werde / das sie werd ist ein einiges  
wort zu hören von jrem liebē Gotte/ Ja so ste-  
hets Gott an zu gedencken.

Nun aber thun die Ketzer nicht anderst mit  
Gottes wort/denn/als wer es mensche wort/  
oder eins narren wort/Welches sie verachten/  
spotten vnd lestern möchten/ Vnd alles besser  
machen künden nach jrem eigen schönen düns-  
ckel/ wollen sich dazu nicht weisen lassen. Da  
ists alles verloren. Vnd werden hie die grosse  
viel gute werck vnd erbeit/das einige böse stü-  
cke nicht vberwegen / Denn da ist weder viel  
noch wenig / weder klein noch grosse gute  
werck/sondern eitel/nichtige/böse verdampre  
werck/den der unglaupe oder Gotts lesterun-  
ge macht auch die gute ( wie sie es nennen )  
werck zu nicht vñ verdampft/ja erger sind solch  
gute werck weder sonst die schlechten sünde  
sind / weil sie gehen vnd geschehen in Gottes  
namens vnd worts lesterung vnd halsstarrig-  
ger verleugung / das gar viel besser vnd zu  
wünschen were/ sie rheten da für sünde vnd bö-  
se werck/so erkenneten sie doch vñ wüsten was  
sie rheten. Nu gehets jne nach dem spruch Sa-  
lomonis / Eccle. v. Beware deinen fus wenn  
du zum hause Gottes gehest / vnd kom er zu  
das du hörest/ das ist besser denn der Narren  
opffer

opffer / die nichts wissen / wie böse ire werck  
sind. Opffer ist ja ein gut werck / Noch heists  
böse / wens die narren die nicht hören wollen  
(das ist die Gottlosen oder Ketzer) thun. Aber  
viel scherffer wird sie der mal eins richten vnd  
schneiden der spruch Psal. I. Gott spricht zum  
Gottlosen / warumb nimpstu mein Wort in  
deinē mund? Das sey dauon gnug. Wer nicht  
hören wil / der fare hin.

Am Ende mus ich auch das anhangen/  
Ich höre sagen / das ettliche darauß bewogen  
sind zu dencken / wir seien mit den schwermern  
eins / das wir in vnsern Kirchē die Eleuation  
haben fallen vnd anstehen lassen / damit wir be  
kennen solten / das Christus leib vnd blut nicht  
im Sacrament sey / noch mündlich empfan  
gen werde. Aber so helt sich diese sache / Es ist  
geschehē für zwentzig oder zwey vñ zwentzig  
jaren / da ich anfieng die Messe zu verdamnen  
vnd hart wider die Papiſten schreib / das sie  
nicht ein Opffer noch vnser werck / sondern ein  
gabe vnd geschenck oder testament Gottes we  
re / welches wir Gott nicht opffern kündten /  
sondern von Gott empfangen solten vnd mus  
ten / gleich wie die Tauffe nicht ein opffer / son  
dern eine gnedige Gottes gabe were etc. war  
ich zur selben zeit wol dazu geneigt / die Eleua  
tion abzuthun vmb der Papiſten willē / die es  
ein opffer vñ werck / von vns Gotte geopffert  
hielten / wie sie noch thun / vnd vber sechs huns  
dert jare bis her gethan haben.

Aber weil zu der zeit vnser Lere new vnd  
vber die massen ergerlich war in der gantzen  
welt/muste ich seuberlich faren/vnd vmb der  
schwachen willen viel nachlassen / Das ich her-  
nach nicht mer thet / lies also die Elevation  
bleiben/weil sie doch eine gute deutung haben  
kündte/wie ich im Büchlin de Cap. Babylonica  
schreib/Nemlich/ Das es were ein alter brauch  
aus Mose genomen vnd bey den ersten Chris-  
ten fur vnd fur blieben. Den was Mose vom  
Thnupha vñ Thruma/sonderlich Deuteronomio  
xvi. schreibt/kan nu ein jglicher Leye in der  
Deutschen Biblia lesen/das es nicht opffer ge-  
west sind/Gott zu ver sünē vmb die sünde/wie  
die Papisten ire Messeopffer hielten vnd ver-  
kauften auffschendlichst etc. Sondern eitel  
Danckopffer od dancksagung fur die empfan-  
gen güter des Lands etc. Auch were das eine  
feine deutung/ dz der Priester mit auffhebūg  
des Sacraments nichts anders thette/ Denn  
das er die wort verkleret (Das ist mein Leib)  
als wolt er mit der that sagen / Sehet / lieben  
Christen / dz ist d Leib der fur euch gegeben ist/  
das also / das auffheben nicht ein zeichen des  
opffers (wie die Papistē narren) gegen Gott/  
sondern eine vermanung were gegen die men-  
schen/sie zum glauben zu reitzen / Sonderlich  
weil ers so eben auffhübe bald nach den wor-  
ten (Das ist mein Leib fur euch gegeben) Vñ  
doch nicht einen Buchstabē vom opffer da bey  
meldet/Solchs findestu im buch/de Capri.

In dem ich so dencke vnd bleibe/ poltert vñ  
rumpelt wider mich herein Hans vnnernüfft  
D. Carlstad mit seinen Himlischen Prophe-  
ten/ vñnd leßt wider vns ein Büchlin ausges-  
hen/ darin schalt er vns Wittemberger/ Christ  
mörder/ Christereuziger/ Aewer Papistē/ etc.  
vnd machts seer grob vnd vñesse. Hatte doch  
keine andere vrsachen/ Senn das wir das Sa-  
crament auffhüben. Solch auffheben deutet  
er/ geopffert/ Weiter deutet er geopffert/ so vil  
als Christum gecreuzigt/ ermordet/ geschlach-  
tet/ vñnd viel erger gehandelt/ weder die Jüs-  
den je gethan hatten. Nu wuste er seer vñ aus  
der massen wol/ das wir Wittemberger das  
Sacrament nicht ein Opffer hieltē/ Sondern  
hatten nu fast bey drey jaren wider die Papis-  
ten gestrittē/ das es nicht ein Opffer sein noch  
heissen kündte/ Sondern eine gnedige Gabe  
vnd Testament Gottes/ (wie droben gesagt)  
Vnd wir jm nicht zu danckē hatten/ der Lere/  
das das Sacrament kein Opffer were/ Senn  
wirs so lange zuuor von jm nicht gelernt/  
Sondern er vns zu dancken hatte/ von wels-  
chen ers gelernt hatte/ sonst were es vielleicht in  
seinen kopff nimer mehr gefallen.

Da ich nu solchen tollen geist toben sahe/  
wider vns/ one vrsache/ das er vns wolt sünde  
machen/ vñnd so grewliche sünde/ da doch kei-  
ne sünde war/ noch sein kündte/ Fur ich zu/ vñ  
Behielt die Eleuation dem selbē Teufel eben zu  
wider vñ zu verdries/ welche ich doch geneigt



war/fallen zu lassen/wider die Papisten / Denn  
ichs nicht leiden wolte / auch noch nicht wolt/  
das der Teufel mich etwas leren solte in vnser  
Kirchen zu ordenen oder setzen. Sonderlich  
auch darumb nicht / das mir solte ein solch  
scheuslich gewissen gemacht werden/als hette  
ich Christum ermordet / gecrüzigt / geschens  
det etc/ wo ich die Eleuation hielt vnd nicht ab  
thet / wie der tolle geist furgab/vnnd vmb sol  
ches bösen gewissens willen / müste vnnd ge  
zwungē würde/die Eleuatiō abzuthun. Nein  
nein / solches gewissens war ich vnschuldig/  
das wuste ich fur war/vnd kundte michs nicht  
annemen/so wuste ers auch wol.

Denn ehe ich solch Gewissen wolt anmes  
men / oder auff mich laden / das ich darumb  
müste die Eleuation fallē lassen/ das ich durch  
die selbigen mich einen Christ mörder/Creuzi  
ger/Bencker / achren solt/wolt ich noch heuti  
ges tages die Eleuation nicht allein behalten/  
Sondern / wo es an einer nicht gnug were/  
Drey/sieben/zehen Eleuation helffen anrichtē.  
Darumb wolt ichs frey haben ( wie es denn  
auch ein frey ding ist vnd sein mus ) darin kein  
sunde geschehen kundte / man hielte oder liesse  
es fallen. Aus dieser vrsachen ist die Eleuation  
bey vns blieben / Denn was frey ist / nemlich  
weder geboten noch verboten/ darin man we  
der sundigen noch verdienen kan / das sol in  
vnser macht stehen / als vnser vernunft vnter  
worffen/das wirs mügen/ on alle sunde vnnd  
fahr

fahr des Gewissens/Brauchen oder nicht Brau-  
chen/Halten vnd faren lassen nach vnserm ge-  
fallen oder notturfft/ Vnnd wollen Kurtz vmb  
hierin freie Herrn vnd nicht Knechte sein/ Die  
es mügen damit machen / wie/ was/wo vnnd  
wenn sie wollen / Vnnd nicht gezwungen sein  
abzurhun/Bey solcher schwerer/grosser/schreck-  
licher sünde / wie Carlstads geist wolte / Auch  
nicht zu halten/Bey verlust der Seelen seligkeit  
wie Des Papssts teuffel wil/ Sondern sol heis-  
sen / Wiltu es nicht auffheben/so lasse es liegē.  
Wiltu es nicht liegē lassen/so hebe es auff. Wz  
fragt Gott darnach? Was fragt mein Gewis-  
sen auch darnach? Eben so wenig als der Altar  
darnach fragt / ob du es drauffheben oder le-  
gen wilt/gilt jm gleich viel.

Demnach haben die Sacraments feinde  
nicht vrsache zu rhümen / als theten wirs jnen  
zu willen vnnd dienst / das wir die Elevation  
fallen lassen. Vñ sols niemand dafur haltē/das  
wir vns damit wollē zu jrē lesterlichen jrthum  
neigen / viel weniger Begeben/ Sondern wol-  
len sie bestendiglich vnd festiglich/ fur Gottes  
vnd vnser verdampfte feinde halten/Vnd nicht  
samt jnē Christus wort leugnē / schendē vnd  
verferen/ als müsten wir von jnen lernen Brot  
essen vnd wein trincken/ Welches wir wol/on  
Christus abendmal thun können. Vnnd die  
ganze Welt teglich/on Gott allzu viel thut.

Sondern das ist die einige vrsachen / das  
wir das auffheben lassen anstehen. Weil fast

Das mehrer teil Kirchen / lange zuvor haben  
das auffheben nachgelassen / So wolten wir  
vns den selbigen vergleichen / vñ nicht ein son-  
ders vben in solchem stück / Das an sich selbs  
frey vnd on fahr Des Gewissens / stehen oder  
liegen kundte. Sonderlich weil ich von an-  
fang dazu geneigt / vñnd gewislich zu der zeit  
gethan hette / Wo nicht Carlstad solche grewli-  
che sünde draus gemacht hette / wie gesagt ist.  
Den wo es sonst on sünde vñ fahr / oder on er-  
gernis geschehen kan / ist's gar fein / das sich die  
Kirchē / auch in eusserlichē stückē / die doch frey  
sind / vergleichen / wie sie sich / im geist / glauben /  
Wort / Sacramenten etc. vergleichen. Denn  
solches stehet fein / vnd gefellet jederman wol.

Auch darumb das solche vngleichheit / weil  
sie vñndtzig ist / seer ehnlich sibet / einem Schif-  
ma / vneinigkeith oder trennung der hertzen.  
Denn von anfang der Kirchen / haben die Ce-  
remonien viel vnlusts in den Kirchen ange-  
richt / als / das Osterfest richtet ein solch wesen  
an / das wenig Kirchen mit einander drüber  
eines sinnes waren. Vnd der Bischoff zu Rom  
Victor thet in den Bann alle die Kirchen in  
Griechenlande vñndt gegen morgen / darumb  
das sie nicht mit der Römischen Kirchen / auff  
gleichen tag Ostern hielten. Aber er ward ge-  
strafft vom Bischoff zu Lion Ireneo / das er  
musste abstehen / vnd jglicher Kirchen ire wei-  
se vnd tag lassen zum Osterfest / weil es on fahr  
vnd ergernisse nicht kundte verglichen wer-  
den /

den/Vnd kein fahr drauff stund/ob Rom auff  
einen andern tag Ostern hielt/Vnd die Grie-  
chen auch auff einen andern.

Solches dings ist viel mehr / Darin sich die  
Griechen mit den Römern nicht verglichen  
auch noch nicht vergleichen. Vnnd was thut  
das Bistum Meylan noch heutiges tages/  
welchs doch vnter dem Bapst in Welschen-  
landen ligt/Da nicht allein die Elevation/oder  
ein stücke in der Messe den andern Kirchen/  
Sondern die gantze Messe vngleich ist / son-  
derlich das es den kleinē Canonem nicht hat/  
vñ aller dinge ein eigen weise hellt in der Mes-  
se. Also das ich Anno 1510. Da ich dadurch zog  
an keinem ort kundte Messe halten. Vnnd die  
Priester vns sagten / Nos sumus Ambrosiani  
non poteritis hic celebrare. Vnnd was darffs  
viel wort? Es ist kein Kirche auff Erden / Da  
so mächerley vngleichheit vñ weise/in Gottes  
dienst/vnnd in den Kirchen ist/als eben in der  
Römischen Kirchen / Das zeigt nicht allein die  
erfarung/Sondern auch die Bücher im geista-  
lichen recht/Welcher gar viel weniger weren/  
wo mehr gleichheit in der Römischen Kirchen  
bliebē were. Aber es hat dem Bapst genützet/  
Das viel oder alles vngleich zu gienge/wen sie  
allein darin gleich würden / Das sy in fur das  
heubt der gantzen Christenheit hielten.

Daher der spruch vnter jnen gieng / Si fue-  
ris Romæ Romano viuito more, Wenn du zu  
Rom bist/ so halt dich Römisch. Also mag ich

Hie auch sagen, Wenn Du an einen ort komest/  
Da man die Eleuation noch helle / soltu dich  
nicht ergern noch sie verdamnen / Sondern  
las dirs gefallen / weil es on sunde vnd fahr  
des Gewissens geschicht. Vielleicht können sie  
es noch nicht endern. Aber dennoch ist's ja fei-  
ner vnd stehet besser / das man sich des stücks  
in allen Kirchen vergleiche. Vnd weil die Ele-  
uation vngeboten / vnnnd vnndötig ist / als on  
Gottes gebot / von Menschlicher andacht her  
komen / So ist's billicher / das man sich mit den  
Kirchen vergleiche / so kein Eleuation haben/  
Denn widerumb mit denen so sie haben. Denn  
S. Paulus leret vnns trewlich allenthalben/  
das wir vleissig sein sollen / gleich vnd eintrech-  
tig zu leren vñ zu leben / vnd vns hüten fur vn  
einigkeit od vngleichheit / wo wir können / Rom.  
xij. Habt einerley sinn vnternander. j. Cor. j.  
Ich erinnere euch lieben Brüder / durch den  
namen vnser's H. Er'n Ihesu Christi / das jr ei-  
nerley rede füret / vñ lasst nicht spaltung vnter  
euch sein.


Wo aber solchs nicht sein kan / so lasse das  
xiiij. Capitel Rom. gehen. Verwirret die gewis-  
sen nicht / Einer gleubt / er möge allerley essen /  
Welcher aber schwach ist / der isset kraut. Einer  
hellt einen tag fur den andern / Der ander aber  
hellt alle tag gleich / Ein jglicher sey in seiner  
meinung gewis. Das reich Gottes ist nicht  
essen vnnnd trincken / sondern / Gerechtigkeit /  
Friede vñ Freude im heiligen Geist. Darumb  
lass

lassr vns dem nach streben/ das zum Friede die  
net / vnnnd zur besserung vnternander dienen.  
Des helffe vns allen vnser lieber H<sup>er</sup>r Ihes  
sus Christus mit Gott dem Vatter  
vnnnd dem Heiligen Geist/  
gelobt in Ewigkeit/  
AMEN.


M. D. XLIII.


Handwritten text, likely bleed-through from the reverse side of the page. The text is mirrored and difficult to decipher due to fading and bleed-through.


M. D. LXXXV
























978502











Ra

E.  
7